

Radfahrerverhaftung

von Heinrich L u d w i g

Bei anera Polizeistation,
rappelt das Telefon,
durchn Hörer brüllt aner laut :

" Mi homs beklaut !

Mi homs bestohln,
den Dieb kennt ihr holn,
i hobn an der Hos,
laßn net los !

Der Kommissär, a stramma Mo,
läßt sein Streifnwong o,
und fährt zehn Kilometer,
daß etz pressiert, waß jeder.

Bald is er dort,
am richtin Ort.

Hält beim Kaufmann Obergries,
weil em des der Tatort is.

Im Lodn drin, ja sowos na ! *quai*
Steht der Kaufmann und sei Fra,
und haltn do, ja wennst net gest,
den Dieb an seine Klada fest.

" Der hot ! " so schreit der Kaufmann laut,

" Hundert Märkla klaut ! "

Ez, do braucht ma si net zwinga,
ko ma des schöne Liedla singa :

" Kommt ein Schandarmio,
packt mi am Armio,
etz gehst mit mia,
Santa Lucia ! "

Der Kommissär hats a so gmacht,
und hat dann zu dem Klauer gsacht :

" Daß sowos umananderlafft,
mei lieba Freind, etz bist verhaft !
Etzerla bist nimma frei,
und drum steigst in mein Wong ei. "

Oba dann gab's a Problem,
denkn komm ma sichs, bei wem !
Der Dieb schreit nämli : " Muß des sei ?

I hob mei Fohrrädla dabei !

Ohne des geh i net mit,
ohne Rod mach i kan Schritt ! "

" Na sowos ", denkt der Kommissär,

" wo krieg i etz an Einfall her ?

Landstreicha sin a große Plog,
die ärgern di an manchn Tog ! "

Dann was er, was er macht,
und sacht :

" Dei Rädla paßt, des leicht der ei,
net in mein Streifnwong nei,

fährst halt, des is gwies net schwer,
hinterm Streifnwong her,

oba reiß net aus, ich soch dirs glei,
sonst gibts a große Sauerei ! "

Dann fährt er los, der Kommissär,
und der Radler hinterher.
Der stramplt, schnauft und schnappt,
damit die Sach a wergli klappt !
Und nach anara halm Stund,
worns am Ziel, all zwa recht gsund.
Der Dieb, der denkt : " Mi homs ausgeschmiert,
i hob mi selber transportiert !
I bin der allerdümmste Gast,
bring mi selba nei in Knast !
Des wor wie bei an Steherrenna,
Leit oh Leit ! Des is zum Flenna !
Ausreißen hob i mir net traut,
der Kommissär hot so streng geschaut !
Glohnt hat sichs trotzdem - nebenbei,
mei Rädla hob i doch dabei. "
Nocht socht der Kommissär recht froh :
" Kerl ! Heit worst a brava Mo !
Der allerärgst Kalfakter,
hat em sein Charakter ! "